

中國方志叢書·華南地方·第一六八號


據

清道光二年李鴻刊本輯

影印

廣東省

陽江縣志



成文出版社有限公司印行



sk86/07

中國方志叢書·華南地方·第一六八號

據

清道光二年李鴻刊本

影印

廣東省


陽江縣志

(二)

成文出版社有限公司印行



10101551



中華民國六十三年六月臺一版

陽江縣志

全二冊

發行人：黃 成 助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

序

縣之有志猶國之有史也
史法俱備志其一體昔馬
貴與作通考引江淹之言
以爲修史之難無出於志

陳壽號善敘述李延壽亦
稱究悉舊事所著二史皆
有紀傳而獨不克作志重
其事也比者縣各有志撮
陳事蹟限於方隅其於國

家經制典章不能佐萬分
一而遽欲效史家之所難
余甚憎焉雖然守土之責
掌故爲大徒知避其所難
而於一邑之文獻弗徵任

其散而莫檢積之久而愈
失不重貽長吏羞歟陽江
在宋以前澶汨無稽明正
德間始有成書踵之者凡
五六作自乾隆十一年迄

今又六十餘年矣天時人事日增月益宰官之遷除
屢更數易紛紛者亦誰執
其咎哉法忝是任歲凡三
稔念於教養實政愧無所

効而日夕之所奉行士庶
之所循習不爲無所究心
思有以殫述之而都人士
又復以是相敦迫於是分
採輯之任孝廉區氏啓科

尤銳於任事

澤

爲之總其

成焉披檢前志補所未詳
登所未及其體例敘論有
未愜者共謀訂正歸於謹
嚴而後已凡意之所欲申

將據今而示後引以小序
加之緒論繼自今

天子下輜軒之採使者登風俗
之書其在是乎其在是乎
濫少而失學長益潦倒一

行作吏此事遂廢謂敢任
史家之難而欲以斯文自
詭將爲借書炫名之計雖
狂瞽不至是矣覽是書者
矜其博採之志而弗復苛

於文字之間斯厚幸爾

嘉慶十七年歲次壬申浙

江山陰人鐵橋氏李澐謹

序

序

余宰陽江一載有餘矣視
事之暇邑紳士以縣志爲
請曰陽江志不修久矣前
鐵橋李父師曾纂輯之各

門俱備惟所舉優行過多
未及定調任去今又閱數
年若再因循恐已集者之
復散失也余唯唯爰取鐵
橋所纂輯者詳覽之其每

篇弁語有規有勸不失史
氏之遺而於疆域之沿革
風俗之醇疵詳著而備紀
之蓋有深意焉乃優行獨
未定豈非以優行之關於

激勸者最大擇必慎而取
必公也哉余不敏詎足任
斯事第思三代論人皆聚
於鄉漢季大中正之設卽
仿其意雖後不無流弊然